

太上黃籙齋儀卷之三十九 三五

唐廣成先生杜光庭集

遺拔落景行道

入戶 各禮師存念如法 衛靈

五星高耀 瑞氣飛降 元始集神

天地交周 玉符寶節 嘯命微幽

擲火揚威 奸凶無留 萬魔振伏

紛葩却消 摧怪伐惡 道炁周流

神光照夜 陰翳俱收 萬神降格

扇景乘颺 祥生咸遂 惠遍神州

鳴法鼓二十四通

无上三天玄元始三炁太上道君召出日身

中三五功曹左右官使者侍香金童傳言散

花玉女五帝直符直日香官各三十二人出

出者嚴裝關啟玄壇天帝神君當召此間土

地里域真官正神以今落景燒香行道入意

願得玉清道炁靈寶妙光下降流入<sub>臣</sub>等身

中<sub>臣</sub>所啓速達徑御

太上无極大道虛无自然金闕玉陛下

各稱法位

具位<sub>臣</sub>恭謹同誠上啓

虛无自然元始天尊无極大道太上大道君

太上老君无上玄老十方已得道大聖眾至

真諸君丈人三十六天帝君玉虛上帝玉帝

大帝東華南極西靈北真玄都玉京金闕七

寶玄臺紫微上官靈寶至真明皇道君三十

六部尊經玄中大法師三界官屬一切真靈

<sub>臣</sub>等親以福階遭逢道運金書演教玉簡開

圖佩服靈文遵承妙訓竊惟虛皇立極太上

懸科惠及幽明恩沾生死北鄰夜府神光垂

照燭之慈南霍仙庭真格示超昇之品卑自

億劫以及茲辰靈澤灑其塵勞法舟濟其滄

溺拯生度死佐國利人妙捷玄樞人天蒙祐

<sub>臣</sub>等思弘秘贖遵護存亡凡有所祈理宜開

奏况奉詞旨敢不上聞

讀詞

按如詞言事形廣濟齋主某誠深修奉志切

追崇極幽夜之庭痛窮泉之苦虔誠齋薦冀

獲威通<sub>臣</sub>等按靈寶專經明真上品啓琅函

玉墮極幽夜既淪依飛天神人說罪福緣對

拔度科典開設壇場燔燭香花質心效信列

詞騰款關告諸天所期福被陰冥惠惠家國

以今落景行道請法眾等運茲初捨上香

願此香煙騰空徑上供養

无上至真道寶<sub>臣</sub>等歸身歸命首體投地仰

依

太上三尊願以是功德歸流宗廟先靈超神

三境帝王國主比德二儀鳳曆延洪龍圖遐

永天元朗晏地紀安寧風雨順時生靈康泰

今故燒香歸依

師尊大聖眾至具之德得道之後昇入无形

和與道合真

以今落景行道請法眾等運茲二捨上香

願此香煙騰空徑上供養

无上至真經寶<sub>臣</sub>等歸身歸命首體投地仰

依

太上三尊願以是功德歸流齋主某九世七

女億曾萬祖先亡後進一切魂靈六趣幽沉

三塗苦典並願釋愆地簡削罪陰曹鍊繩洞

賜生神丹霍冰泉夜府永無報對之勞地獄冥關盡化清涼之境冤仇和釋債訟消平利祐見存克蒙貞吉今故燒香歸依師尊大聖衆至真之德得道之後昇入无形和與道合真

以今落景行道請法衆等運茲三捨上香願此香煙騰空徑上供養

无上至真師寶 等歸身歸命首體投地仰依

太上三尊願以是功德歸流率土有生普天舍識俱承廢枯各遂安寧泊乎六道輪迴九陰拘執神輝普照離苦生天聖力遐沾聞經悟道齋主某家六姻五族內外親緣恒福所資災纏弭息齋功所及罪咎蠲消壽祿增延積祥臻萃含靈蠢動一切衆生共荷鴻休咸登道域今故燒香歸依師尊大聖衆至真之德得道之後昇入无形和與道合真

懺悔 禮方

三啓頌

樂法以爲妻 愛經如珠玉 持戒制六情 念道遺所欽 澄泊正氣侍 蕭然神靜默 天魔並敬護 世世受大福 鬱鬱家國盛 濟濟經道興 天人同其願

經綽入大乘 因心立福田 靡靡法輪昇 七祖生天堂 我身白日騰 鍊質入仙真

大道洞玄虛 有念無不契 鍊質入仙真 遂成金剛體 超度三界難 地獄五苦解

悉歸太上經 靜念稽首禮

三禮 等至心稽首禮 太上元極大道

等至心稽首禮 三十六部尊經

等至心稽首禮 玄中大法師

重稱法位 具位 某某等重伸上啓

太上元極大道元始天尊太上大道君太上

老君十方元極大道道德衆聖天尊至真大帝天帝天師君上相上宰四司五帝三十六部尊經玄中大法師三界應感一切真靈等獲以凡微忝奉大法三乘演化至道開光龍象鳳書天章玉訣咸蒙稟受克遂遵行未能匿景幽林棲神世表以希高舉謝絕塵寰而與俗沉浮混同常品愆非旋積修奉不專徒以弘贊教儀敷揚妙訓度人濟物佐國立功冀登丹誠仰助玄化普令一切咸入法門開度存亡拯護幽顯令齋主某騰詞列款齋信效心依按典儀奉修齋直露懇三光之下投誠萬聖之前然九幽神燈照三塗罪苦破彼昏暗開諸光明行道轉經虔誠懺悔仰慮七靈神識無數劫來捨身受身循環報質或生天上或誕人間或處中華或居異域或貴或賤或富或貧或不悟善因或不達正法或執信邪妄輕毀正真或妬妬賢明誹謗良善或邪行曲逞冒利貪財絕人種親離人恩愛傷殘物命淫祀救生危人自安害他利己十惡三業興造罪根肆意任情繁奢無度或釣

川戈宿焚林竭山刑法非宜殺傷乖理或為  
 臣下忠穢慢三光呵忿雷雨不敬天地不畏  
 神明積行所為罪條無量或前竟未解宿債  
 未原往報未祛深殃未懺身歿之後流曳三  
 官痛毒備嬰魂神幽閉在窮泉之下地獄之  
 中一沉永夜生道斷絕動經億劫開度無由  
 或受幽囚或充考掠負山運石捷汲溟波走  
 電驅雷辛勤無息冥冥受報望返何期自非  
 大道開恩天尊慈護負斯痛惱懺技無階以  
 今一念至誠洗心歸向無邊之苦並乞救除  
 伏冀歷劫種種親曾魂爽垂茲勝福咸得生  
 天墳家安全註訟寧息九泉罷考幽夜光明  
 六道四生含靈抱識俱登福岸齊契真正上  
 願道化興行二儀貞靜三光朗曜帝業遐昌  
 文軌大同烽煙罷戢干戈疫毒水火旱蝗無  
 挽黎元無侵境域俗臻富壽化洽和平齋主  
 某家眷屬六親常承玄祐十災殄息萬善資  
 熏所啓所析克蒙御達所首所謝皆獲感通  
 上明  
 天尊慈施之澤下副日等懺謝之誠謹啓以

聞

發願

一願大道流行普天懷德二願一切有生成  
 皆悟道三願九夜悲魂一時解脫四願孤魂  
 無依咸得受生五願天下太平五穀豐熟六  
 願臣忠子孝君仁父慈七願四海通同克親  
 和釋八願潛胞處卵咸得生成九願積疾新  
 病旋即痊愈十願孤露衆生豐衣足食

復爐

香官使者左右龍虎君侍香諸靈官當令臣  
 行道之所自然生金液丹碧芝英百靈衆真  
 交會在此洞紫爐前令臣學道得道求仙得  
 仙十方仙童玉女接待香煙傳臣向來所啓  
 之言速達徑御

太上無極大道金闕玉陛下

出戶

太上黃籙齋儀卷之三十九

太上黃籙齋儀卷之四十

唐廣成先生杜光庭集

五六

解考三時行道

投詞禁壇宿啓一如靈寶法

衆官列位於玄師前立定

唱道

華夏讚引至地戶

入戶

旋行上五方香從東為始

上御案香

上香齋呪

上本位香

各禮師存念如法

衛靈

晨精朗曜 紫煙御空 星壇煥映

變化靈宮 日魂月魄 離坎翼中

金真嘯命 神虎辟邪 吉日行事

八威鼓從 玉華羅敷 徘徊飛虹

天光下盼 道炁豐隆 含靈普濟

流慶無窮